

U G O V O R
o izvođenju radova – rekonstrukcija dijela kanalizacionih cijevi

Zaključen između:

1. KJKP „Vodovod i kanalizacija“ d.o.o. Sarajevo., Jaroslava Černija 8, ID broj: 4200151950004, koju zastupa direktor Enver Hadžiahmetović („Izvođač“)

i

2. Kantonalna javna ustanova Dom za djecu bez roditeljskog staranja, ulica Bjelave 52., ID broj: 4200556690000, koju zastupa direktor Tarik Smailbegović („Naručilac“)

Član 1.

Naručilac na osnovu ovog ugovora povjerava Izvođaču radove na rekonstrukciji dijela kanalizacionih cijevi na parking prostoru Ustanove za potrebe KJU Dom za djecu bez roditeljskog staranja, prema uslovima navedenim u specifikaciji Naručioca i na osnovu prihvaćene Ponude Izvođača radova, protokolirane kod Ugovornog organa pod brojem: 1124/20 od 12.06.2020. godine. Ponuda Izvođača je sastavni dio Ugovora.

Član 2.

Ugovorne strane potpisom ovog Ugovora su saglasne da je cijena ugovorena u ponudi Izvođača i iznosi **3.260,32 KM bez PDV-a**.

Član 3.

Naručilac se obavezuje da će cijenu iz člana 2. ovog ugovora platiti na račun Izvođača na osnovu dostavljene uredne fakture Izvođača, prema pravilima trezorskog sistema plaćanja Ministarstva finansija Kantona Sarajevo.

Član 4.

Izvršilac nema prvo da naknadno ispostavi račun za bilo kakve dodatne troškove osim u slučaju da Naručilac nakon izvođenja radova, ne zatraži izmjene i korekcije na istom.

Član 5.

Naručilac i Izvršilac su saglasni da je rok za izvođenje radova navedenih u članu 1. ovog ugovora 10 dana od dana zaključenja ugovora.

Izvršilac ima obavezu da najmanje 1 (jedan) dan prije početka radova obavijesti Naručioca o planiranim radovima, koji je dužan da najkasnije do dana koji je predviđen za izvođenje radova oslobodi parking prostor od vozila kako bi se moglo pristupiti izvođenju radova.

Po okončanju radova ugovorne strane će obavezno potpisati zapisnik o primopredaji u kojem će se konstatovati eventualni nedostaci s tim što prigovore na kvalitet izvedenih radova, Naručilac može naknadno dostaviti najkasnije u roku od 60 dana od dana primopredaje.

Član 6.

Ugovorne strane su saglasne da sve ono što nije u ovom ugovoru predviđeno, važe propisi iz Zakona o obligacionim odnosima.

Član 7.

Eventualne sporove proizašle iz ovog Ugovora, ugovorne strane će pokušati riješiti dogovorom, a u slučaju da isti ne mogu riješiti nadležan je Općinski sud u Sarajevu.

Član 8.

Ugovor je sačinjen u 2 (dva) istovjetna primerka, od kojih svaka ugovorna strana zadržava po 1 (jedan) primjerak.

ZA NARUČIOCA
Smilbegović
Broj: 1124-1/20
Sarajevo, 15.06.2020. godine



ZA IZVOĐAČA
[Signature]
Broj: 338/2020
Sarajevo, 07.07.2020